



BASIC one

Na aña 1991, dos hoben bishitando MAVO a dicidi di bai participa den un talent show na **Bonaire Club, San Nicolas**. E dos hoben nan aki, **Janiro Eisdén** y **Dino Dirksz** a dicidi di lanta un grupo y yama esaki "**Basic One**". Despues di e presentashon aki e grupo **Basic One** a keda hunto y nan a presenta den un Show di Hoben pa Hobenden den **Jolaveist Sport Park**. Den e show aki nan a topa **Kurt Labadie** cu a bira nan conoci **Dj KD**.

Na aña 1993 **Dino Dirksz** mester a bandona e grupo pa bai sigi su estudio na **Hulanda**, asina **Basic One** a sigi persevera den e añanan, te asta nan a yega asina leeuw di busca atenshon di corant, radio y dje pueblo **Arubiano** y a saca nan 2 conocido cassetenan immoral riba caya. Cu esaki nan a logra nan meta y bira hopi conoci (Mal fama tambe ta fama!!).

Na aña 1995 **Basic One** a dicidi di busca un otro integrante pa bira e backup rapper di **Janiro (Faze One)** y den e mesun aña aki **Basic One** sa di buta e hit **Suave** cu a kibra tur records na **Aruba, Bonaire** y **Curacao** cu a bira cancion di aña. Asinaki awe tur rapper, cu ta rap papiamento, por jama danki na **Basic One** cu a habri porta pa rap na papiamento por wordo reconoci, bendi, scucha y gusta pa e pueblo. Den e mesun aña aki nan a wordo aserca pa **Beach Bum Records** y a realisa nan prome compacto "**Suave**" y cu varios hitnan manera "**E Pushi**" - "**China Waya**" - "**Dos di Nos**" y "**Suave**". Y pa completa e pakete, nan a pone na canalnan di Television asta e video clip di **Suave** y a realisa un remix di **Suave** cu **C-Zar Olarte** cu a bolbe bira un hit.

Na fin di aña 1996 y integrante nobo a bandona e grupo cu tè cu awe e grupo **Basic Onea** keda completo cu **Janiro Eisdén** y **Kurt Labadie**.

Na aña 1997, **Basic One** a bolbe saca un compacto yama "**Mundo Cruel**", tambe cu diferente hitnan manera "**Marlene**" "**Masbango**" - "**Ladies Night**" - "**Mundo Cruel**" y "**Barbie**".

Na aña 1999, **Basic One** a bolbe demostra cu no tin nada cu por stop nan di saca un otro hit "**Buraco di Fluit**" riba e compacto "**Crijojo Funk**", combina cu su video clip. Medianan a tuma esaki como uno contravercial, pero asina mes a wordo acepta door di pueblo.

Na aña 2000, nan a realisa un otro compacto yama "**Basic One & C-Zar**", **Dios Tey**.

Esaki ta un compacto completamente acompaña cu **C-Zar Olarte** cu mensahenan masha bonita di Gospel cu tambe tin hitnan manera "**Dios Tey**" acompaña cu su video clip, "**Destino**" cu a bira number 1 na **Curacao** y "**Un Pasco Sin Mi Mama**".

Na memey di aña 2002, **Basic One** a wordo aserca pa un autor di comedia cu planan pa **Basic One** participa y saca e tema "cancion" dje comedia y door di e saki **Basic One** a saca e conocido production "**Destino Di Ghetto**". Un otro compacto cu hitnan manera "**Destino Di Ghetto**" y "**Mi Gusto**". E comedia riba su mes y su compacto tawata un exito rotundo y te cu awe a keda graba den mente di tur hende na **Aruba** y muy especialmente na **Curacao**. Esaki ta un comedia cu a sa di buta 15.000 hende riba pia pa bin presencia esaki na **Curacao**.

Na cabamento di aña 2002, **Janiro Eisdén** a bai residencia na **Hulanda** pa bai sigi un estudio y pa proyecta e grupo mas leeuw na **Hulanda** y **Europa**. **Kurt** manteniendo e grupo na **Aruba** y **Janiro** na **Hulanda** cu e sosten di e grupo **Mbush**.

Den zomer vakantie 2003, **Basic One** a wordo invita na **Aruba** pa e concierto di **El Chombo**. Aki un biaha mas nan a marca un stempel di profesionalismo y asina ki door di e encuentro un biaha mas di e dos genionan di musica di rap, **Kurt** y **Janiro**, nan a dicidi di graba un compacto nobo den 3 siman, titula "**Bo Sa Caba**" dedica na **Lidia Nassy**. E compacto aki tambe ta acompaña cu su video clip di **Moedervlek** y esaki ta un production cu hopi exitonan manera "**Moedervlek**" - "**Biba Bo Bida**" - "**Bo Carácter**" - "**Idioma Di Bo Curpa**" - "**Biba Sin Bo**" - "**Jena Bo Bashi**" - "**Dippen**" - "**Tha Spitt**". Aki nos por mira un grupo cu ta existi pa casi 12 aña caba cu un meta y un rumbo pa hasi **Basic One** y **Aruba** su number mas grandi den exterior.

Mensahe di **Basic One** "**Kere den Dios y Bo mes, No laga negativismo influenciabo, Hero sa dobla pero hero no sa kibra**".



1996



1997



1999



2000



2002



2003

Email: info@basic-one.com
Website: www.basic-one.com